

因為客家
所以回家

獻給所有以客家為榮个家人（客語版）



HAKKA'S
COMING HOME



客家所以係客家 係歷史也係天意

在客家千年个孕育過程中，俾客家有超越血緣个族群意識摺認同感情，這也係跨省份摺跨國界个認同。盡多个客家人更以客家有光榮个歷史、對國家个貢獻摺美好个傳統為榮。佢在台灣最大个客庄一中壢出世，對佢知佢係客家人後，佢就盡認同佢係客家人个身份，無論人樣般看客家，佢就盡「硬頸」个承認佢係客家人。



近代客家个代表
人物：洪秀全



近代客家个代表
人物：孫中山

佢出世係客家人，就像佢出世在台灣、出世在余屋共樣，這毋係佢做得選个、這係對天來个，「天生我材必有用」，天生客家一定有佢个美意。佢若係毋接受，怨天怨命，「怨出差世正做客家人」就無辦法明白作為客家人个天命摺價值；佢若係歡喜接受，就能知天命、順天命，活出「光宗耀祖、榮神益人」个美好。

客家效法孔夫子 知天敬天順天命



孔子



天壇

至聖先師孔子个名言：「知我者，其天乎！」、「五十而知天命」、「丘之禱久矣！」、「獲罪於天，無所禱也」（註1）等，看出孔子摺天个關係毋係掛在嘴唇个口頭禪定定，佢摺天有密切个交往，通過祈禱獻祭追求「天人合一」个境界，佢所認識个天係「有情有義

个人格天」，絕對毋係「無情無義个自然律」，故所佢一生就在敬天順天中，活出天命，正有恁偉大个成就，名列人類歷史中个聖賢偉人。

天係親愛个阿爸 客家回家做子女



恁樣講起來，你係身為客家人，若係像孔子一樣做得知天敬天，就有可能活出天對客家人个心意命定^(註2)。首先，係等對天做得有樣般个認識呢？所有个宗教信仰都貢獻佢兜對真理、對神明个認識，都有盡好个參考價值，總係公當講，猶太人幾千年傳下來个聖經對天有最清楚完整个介紹：



最完美个代罪羔羊——耶穌

「天就係第一大个造物主上帝」^(註3)，孔子所祈禱交往的天就係這位創造天地萬物个上帝。係等直接做得佬佢祈禱，毋使感覺無資格，只單淨做得拜祖先或者其他个神明定定^(註4)。兩千年前，耶穌奉上帝之命來到地上个目的就係成為全人類个「代罪羔羊」^(註5)，為人類當做獻祭个頭牲，將包含客家人在內个所有世間人帶轉到天神上帝个面前，重新為「上帝——人類」建立了「父——子」^(註6)最親最靚个關係。

故所全人類都係對一位上帝創造个，到底係等做得佬佢有麼介樣个關係呢？通過耶穌个媒合，上帝收納係等做佢个兒女，係等喊上帝係係等个阿爸，全人類就成為一个大家庭，上帝係爸爸，係等大家就係佢个子女，彼此就係兄弟姊妹了。這個大家庭就係每一個人要轉个家，這就係「回家」个意義^(註7)。



帶客家轉天阿爸屋下个
大牧人——耶穌

祭拜祖先尋源頭 認祖歸宗回父家

客家人恁看重拜祖先、持守敬阿公婆个傳統，敢唔係為著這樣个目的嗎？客家人拜祖先就係顯明客家人不忘本尋根个美德^(註8)，當係等做

得連結到祖先們个祖先—阿爸上帝時，佢等敢會無要這源頭根本？有上帝做阿爸這係真正个拜祖先、真正个認祖歸宗了。當客家「飲水思源至根源、慎終追遠到永遠」時，佢等就像打棒球共樣打出拜祖先个「全壘打（home run）」，轉屋回家（come home）了。



天生客家必有用 帶領萬民回父家

接下來，客家人回家以後，阿爸上帝有交給客家族群樣般个使命麼？我相信有个，客家人有「東方个猶太人」个稱呼，猶太人係非常優秀个民族，公認係「上帝个選民」（註9），保存了上帝个啟示——聖經（註10）。今晡日，客家這「東方个猶太人」認上帝做客家人个阿爸後，佢等乜係「上帝个選民」了。恁樣，天阿爸交給客家人个使命，就在佢給佢等這族群安到「客家」這名稱上做得了解：「人人都是旅『客』」、「要轉阿爸个『家』」。

客家人分散在全世界，敢毋係天生傳揚「回家—做天阿爸个兒女」福音个使者？加上客家千年來培養出盡多美好个特質，像省儉、煞猛、堅耐、硬直、好客等，若係能給天阿爸使用，這敢毋係最大个「光宗耀祖、榮神益人」嗎？

全球客家新信仰 共創客家生命力

識在聯合國總部任職个湯錦台先生，在其所寫个「千年客家」（註11）中，思考到客家个未來時有以下个智慧之語：（原文照登）「如何在全球客家人當中形成有足夠凝聚力的現代新型信仰或精神信念，以維繫客家人群體的長遠生命，就成為這一代客家人的最重要的課題……，一個更有自信能令所有客家人產生自豪感的客家人群，是強化

客家認同的根本保證。」照著湯錦台先生个看見，全球八千萬以上个客家人，除了語言个認同之外，若係做得認同「回家一做天阿爸个兒女」个信仰理念，這係超越所有个宗教信仰、文化種族个差別，客家人就做得自信自豪个認同客家，為全人類貢獻出客家个價值，活出阿爸上帝對客家人个天命。恁樣个思考進路十分值得關心客家前途个宗長鄉賢參考。



千年客家



台灣不能沒有客家人

台灣大學个張文亮教授十分肯定客家人對台灣水利開墾个貢獻，寫了「台灣不能沒有客家人」這本書^(註12)，在阿爸个家中、上帝个國中也絕對不能無客家人，客家要做上帝東方个選民，客家全家要回家，世界萬族要因為客家歸回天阿爸个家中。

十分歡迎關心客家前途个宗長鄉賢、前輩後進佬老弟侄有進一步个分享討論，共下對客家——僇等个母親付出侄等个貢獻。

附註：



註1：孔子承繼中國古老敬天个神聖傳統，像「詩經」就充滿對上帝个頌讚，因此孔子佬天个關係係親密个，毋像後人將天單淨看做天理、天道般个抽象。另外，中國古老个天觀佬上帝觀係至高無上，超越萬有个主宰，不係俾有兜宗教所界定在某一天界个神，這上帝就係創造萬有佬諸天界个造物主。

註2：這毋係講侄等像孔子一樣个敬天，佬天交往就夠了，孔子雖然佬天有恁好个關係，總係還係無滿足，因為佢無恁大个把握知得人人全部做得做上帝个子女，因為「代罪羔羊」个福音佢百領受到。所以孔子識講出：「朝聞道，夕死可矣！」个心聲。今晡日孔子所等候个這完全个福音已經來了，侄等當然要歡喜接受，做毋得失掉喔！

註3：聖經開宗明義个講到有一位創造諸天萬物个上帝：「太初，上帝創造（諸）天地」（創世記一章1節）。聖經不單淨提到萬物个起源，更

在最後一卷書啟示錄提到萬物个終結，對宇宙佬人類歷史做出交代。

註 4：西周確立了天子直接向上帝祭祀个祭天禮儀，其他人係通過祖先祭祀上帝。君王為到凸顯其天子个身份，因此禁止平民百姓直接向上帝祈禱个權利。其實人人都係天子，都係天阿爸个兒女，佢等要恢復恁樣个身份佬權利。

註 5：祭牲代替人類贖罪犧牲个觀念存在好多个宗教文化中，舊約聖經有盡詳細个獻祭制度，指向上帝為人類預備个「代罪羔羊」：「約翰看見耶穌來到佢該位，就講：『看哪！上帝个羔羊，除掉世間人个罪个！』」（聖經約翰福音一章 29 節）

註 6：耶穌基督佬「上帝係人類个阿爸」這最基本个關係重新啟示給人類。祂自家盡少自稱係上帝个兒子，反轉謙稱佢係世間人个長兄，就係佬佢等講佢等都可以因為祂來俾天父上帝接納做佢个兒女。見聖經約翰福音二十章 17 節。

註 7：「回家」毋係指百年以後个「轉到天家抑係天堂」，這係指關係个恢復佬建立，就係有上帝做佢等个父親，佢等享受親子佬手足个美好關係，在今生地上人類真正就係一家人，自然百年以後一定有家可回了。見聖經約翰福音十四章 1-3 節。

註 8：客家人非常看重族譜，聖經乜有盡多家譜个記載，共樣都係盡看重佢等的根源。信耶穌成為天阿爸个兒女後，毋係毋拜祖先，乃係「吃果子拜樹頭」个拜到列祖列宗个源頭—上帝了，只有祂係永遠个阿爸，所有肉身个祖先都係佢个子女了。拜祖先時佢等禮拜永遠个阿爸，懷念永恆中个家人。所以祭拜个對象佬方式自然地會做調整了。

註 9：以色列人个選民意識毋係佢等主動選擇了上帝做佢等个上帝，乃係上帝在萬民中先揀選了佢等，為要使佢等承擔帶領地上萬民回家个使命。所以上帝花了盡多心血栽培訓練佢等，佢等也俾上帝修理管教个盡厲害。見聖經申命記七章 6-7 節。

註 10：上帝通過祂所揀選个以色列民，將上帝給人類神聖个聖經啟示非常完整个保存到這下。最有名个就係 1947 年發現个死海古卷，係 2000 年前所寫，做得講係目前保存最久个手抄文獻。見聖經羅馬書三章 1-2 節。

註 11：「千年客家」，湯錦台著，如果出版社，2010/07/29，P311、313。

註 12：「台灣不能沒有客家人」，張文亮著，文經社，2006/06/25。

4/4 D調

客家回家

詞：林幼 曲：袁培華

$\underline{\underline{6\ 3}} \mid \underline{\underline{3\ 5\ 5}} - \underline{\underline{3\ 5}} \mid \underline{\underline{6\ 6\ 1}} \underline{\underline{3\ 6\ 5}} \underline{\underline{3\ 2\ 1}} \mid$
客 家 啊 你 係 東 方 个 猶 太 人 飄 泊 个

$\underline{\underline{3\cdot 2}} \underline{\underline{2}} \quad \underline{\underline{0\ 6}} \quad \underline{\underline{6\ 1}} \mid \underline{\underline{2\ 2\ 3}} \underline{\underline{5\ 3\ 2}}$
靈 魂 你 需 要 救 恩 个 雨 澆 灌

$\underline{\underline{6\ 3}} \mid \underline{\underline{6\ 5\ 5}} - \underline{\underline{3\ 5}} \mid \underline{\underline{6\ 6\ 1}} \underline{\underline{3\ 6\ 5}}$
骨 肉 親 啊 你 若 渴 了 來 就 恩 雨

$\underline{\underline{3\ 2\ 1}} \mid \underline{\underline{3\cdot 2}} \underline{\underline{2}} - \underline{\underline{3\cdot 2}} \mid 2 - \underline{\underline{3\cdot 2}} \underline{\underline{2\ 6}} \mid 1 - - - \mid$
恩 典 个 雨 啊 澎 湃 澎 湃 臨 客 家

$\underline{\underline{6\ 6\ 1}} \mid \underline{\underline{3\ 6\ 6}} 5 - \mid \underline{\underline{6\ 1\ 3}} 5 - \mid$
煞 猛 个 客 家 人 恬 恬 來 聽

$\underline{\underline{6\ 5\ 6}} \underline{\underline{3\ 2\ 1}} 1 \mid \underline{\underline{2\ 3\ 6}} \underline{\underline{6\ 2\ 3\ 5}} 5 \mid$
天 阿 爸 在 呼 喊 回 家 吧 踭 我 去

$\underline{\underline{1\ 1\ 1}} \mid \underline{\underline{3\ 6\ 6}} 5 - \mid \underline{\underline{6\ 1\ 3}} 5 - \mid$
打 拼 个 客 家 人 恬 恬 來 聽

$\underline{\underline{6\ 5\ 6}} \underline{\underline{3\ 2\ 1}} 1 \mid \underline{\underline{2\ 3\ 5\ 3\ 2\ 6}} \mid 1 - - - \parallel$
天 阿 爸 在 呼 喊 回 家 回 到 神 个 家



作者小檔案 *Profile*

余慶榮，祖籍福建永定，在中壢出世，母親詹碧蓮係新竹新埔人。政治大學國貿系、中華福音神學院畢業後，25年來專心做客家人個回家運動，邀請客家人恢復天阿爸個兒女身份，目前係台灣基督教客家福音協會主委揸新北雙和崇真堂主任牧師。妻子袁碧雯，中央廣播電台節目部副理，在客家廣播界服務近30年，熱心事蹟收錄在新北市政府客家事務局出版個「新北好客人」。

歡迎聯絡：0935-538781，02-29224782，

FB: 余慶榮，LINE ID:29224782，

hakka_church@yahoo.com.tw。

若係您認同本文，歡迎索取，多多贈送客家鄉親。



台灣——基督教客家福音協會 出版發行

www.chea.org.tw

(31053) 新竹縣竹東鎮自強路58號1樓

Tel: 886-3-5945546 Fax: 886-3-5940121

E-mail: hakka.chea@msa.hinet.net

劃撥帳號：17497783

帳戶：財團法人新竹縣基督教客家福音協會